



J.P. MEĐUNARODNI AERODROM "SARAJEVO" D.O.O.

Kurta Schorka 36, 71210 Sarajevo, Bosna i Hercegovina

Registrovano kod: Općinski sud Sarajevo, MBS 65-01-0419-11; JIB 4200068970001; Carinski broj 200068970001
RAČUN: 3387302205238447, UniCredit banka d.d. Mostar, BiH

Vrsta dok.	Izdavač	RB
DOP	5 01	2589

Strana:
1 od 1

Broj protokola: <i>05-1-25-1-7909-19/23</i>	JAVNO
---	-------

DATUM: 08.01.2024. god.

PRIMALAC: J.P. ELEKTROPRIVREDA BiH d.d. Sarajevo

PREDMET: Obavijest o poništenju postupka nabavke robe: Električna energija

Poštovani,

Na osnovu člana 71. Zakona o javnim nabavkama ("Službeni glasnik BiH", broj 39/14 i 59/22), obavještavamo vas da je, nakon okončane procedure prikupljanja ponuda za nabavku robe: Električna energija, provedene metodom Otvoreni postupak, na prijedlog Komisije za provođenje postupka nabavke, Odlukom Uprave J.P. Međunarodni aerodrom "SARAJEVO" d.o.o. Sarajevo koja vam se dostavlja u prilogu, poništen postupak nabavke jer zaprimljena ponuda nije prihvatljiva.

S poštovanjem,



DOSTAVLJENO:

1. Ponuđaču
2. Upravi Društva
3. Sektoru za administrativnu podršku
4. a/a

DOP PR 05-00 03 01 Dopsis, 1. Izdavanje/Rev.0



	Tel.	Fax	E-mail
INFORMACIJE	+387/ 33/ 289 100	+387/ 33/ 289 356	info@sarajevo-airport.ba
DIREKCIJA	+387/ 33/ 289 200	+387/ 33/ 289 201	direkcija@sarajevo-airport.ba
OPERATIVNI CENTAR	+387/ 33/ 289 120	+387/ 33/ 766 841	gpo@sarajevo-airport.ba
WEB	www.sarajevo-airport.ba	/	/

h. Omer

h. Omer



UPRAVA	Strana: 1 od 2
Broj protokola: 05-1-25-1-7969-18/23	JAVNO

Datum: 05.01.2024. god.

Na osnovu člana 70., a u vezi sa članom 69. stav (2) tačka d) Zakona o javnim nabavkama („Službeni glasnik BiH“, br. 39/14 i 55/22) i člana 45. Statuta J.P. Međunarodni aerodrom "SARAJEVO" d.o.o. Sarajevo, te na osnovu Izvještaja i preporuke Komisije za provođenje postupka javne nabavke robe: Električna energija, broj: 05-3-25-1-7969-16/23 od 26.12.2023. god., Uprava J.P. Međunarodni aerodrom "SARAJEVO" d.o.o. Sarajevo, na 186. sjednici, održanoj dana 05.01.2024. god. donosi

ODLUKU

I

Poništava se postupak nabavke robe: Električna energija, proveden metodom nabavke Otvoreni postupak, jer zaprimljena ponuda nije prihvatljiva za Naručioca.

II

Naručilac će, nakon proteka rokova za reviziju, razmotriti mogućnosti daljeg postupanja, uključujući i eventualno provođenje pregovaračkog postupka, o čemu će stručna služba dostaviti prijedlog daljeg postupanja Upravi Društva.

Obrazloženje

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku robe: Električna energija, direktor J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke, broj: 05-3-25-1-7969-4/23 od 06.11.2023. god., a Rješenjem, broj: 05-1-25-1-7696-5/23 od 14.11.2023. god., imenovao Komisiju za provođenje postupka.

U skladu sa naprijed navedenom Odlukom, J.P. Međunarodni aerodrom "SARAJEVO" d.o.o. Sarajevo (u daljem tekstu: Društvo) je na portalu javnih nabavki dana 10.11.2023. god. objavilo obavještenje o nabavci, broj obavještenja: 246-1-1-255-3-65/23.

Do ostavljenog roka za predaju ponuda, 25.11.2023. god., do 12,00 sati, na adresu Društva zaprimljen je akt ponuđača J.P. ELEKTROPRIVREDA BiH d.d. Sarajevo naslovljen kao "Dostava Ugovora o snabdijevanju električnom energijom" i zaveden na Protokol Društva pod brojem: 05-3-25-1-7969-6/23 od 20.12.2023. god.

U dopisu navode da je dostavljeni Ugovor o snabdijevanju električnom energijom sačinjen u skladu sa Odlukom Vlade Federacije BiH o uvođenju posebnih mjera kontrole cijena snabdijevanja električnom energijom za 2024. godinu, broj: V broj: 1786/2023 od 12.12.2023. god.

Dalje navode da ugovor dostavljaju sa kašnjenjem, što obrazlažu kašnjenjem u donošenju odluka od strane Vlade FBiH. Naglašavaju da je u skladu sa Zakonom o električnoj energiji Federacije BiH („Sl. novine FBiH“, broj: 60/23) ugovor potrebno zaključiti najkasnije 3 dana prije početka primjene istog, zbog čega mole da se odgovor o prihvatanju ugovora dostavi na njihovu e mail adresu bez odlaganja, a da se oba primjerka potpišu i ovjerena dostave na njihovu adresu.

Na javnom otvaranju ponuda, održanom dana 25.12.2023. god. u 12,30 sati, Komisija je zapisnički konstatovala da osim prethodno navedenog dopisa J.P. ELEKTROPRIVREDA BiH d.d. Sarajevo (sa priloženim ugovorom), na adresu Društva nije zaprimljena nijedna ponuda.

Komisija je također konstatovala da osim dostavljenog ugovora (koji sadržava potpune informacije u uslovima), ponuđač J.P. ELEKTROPRIVREDA BiH d.d. Sarajevo nije dostavio bilo kakvu drugu dokaznu dokumentaciju koja se može smatrati ponudom, u skladu sa uslovima zadanim u tenderskoj dokumentaciji za predmetni postupak nabavke.

Imajući u vidu da je članom 57. stav (1) Zakona o javnim nabavkama određeno da je ponuđač dužan pridržavati se svih zahtjeva i uslova iz tenderske dokumentacije, Komisija je ocijenila da se ispunjeni uslovi da se ova ponuda odbaci u skladu sa članom 68. stav (4) tačka i) Zakona o javnim nabavkama, s obzirom da ne ispunjava sve što je zahtijevano tenderskom dokumentacijom, te da se ponuda proglasi formalno-pravno neispravnom i neprihvatljivom.

S obzirom na izuzetnu važnost nabavke električne energije za neometano funkcionisanje Društva, Komisija je pažljivo analizirala postojeće okolnosti i preduzete korake, sve u cilju pronalaska mogućeg rješenja kojim bi osigurali kontinuitet snabdijevanja električnom energijom, te o svemu kroz Izvještaj broj: 05-3-25-1-7969-16/23 od 26.12.2023. god. informisala Upravu Društva.

U ovom postupku je utvrđeno da se svi ugovorni organi, uključujući i Društvo, susreću sa značajnim problemima u provođenju postupaka javnih nabavki električne energije, zbog odbijanja snabdjevača (u konkretnom slučaju J.P. ELEKTROPRIVREDA BiH d.d. Sarajevo) da dostavljaju ponude na tenderima. Ova situacija stavlja Društvo u nezavidan položaj, jer će, ukoliko ne zaključi Ugovor sa J.P. ELEKTROPRIVREDA BiH d.d. Sarajevo, biti prisiljeno plaćati znatno više cijene za rezervno snabdijevanje električnom energijom, ali istovremeno bez zaključenog ugovora neće imati zakonski osnov za takvo plaćanje.

Vrsta dok.	Izdavač
ODL	05-1
Strana: 2 od 2	
JAVNO	

Naknadno je u ovom postupku pribavljeno izjašnjenje Odjela za internu reviziju, koji je prepoznao potrebu za dodatnim pribavljanjem mišljenja Agencije za javne nabavke BiH. Naknadno se konstatovalo da je Agencija za javne nabavke Bosne i Hercegovine (kao institucija čija je uloga da osigura pravilno sprovođenje Zakona o javnim nabavkama BiH) već prepoznala problem neučestovanja pojedinih ponuđača u postupcima javnih nabavki kao izuzetno ozbiljno pitanje.

Na svojoj web stranici, koja je dostupna na linku <https://www.javnenabavke.gov.ba/bs-Latn-BA/news/360/nedostavljanje-ponuda-u-postupcima-nabavke-prirodnih-i-zakonskih-monopola>, Agencija je pružila obavještenje svim ugovornim organima o navedenom problemu i upoznala ih o koracima koje preduzima na njegovom rješavanju.

Ponuđači iz ovih oblasti upozoreni su da ukoliko nastave sa praksom izbjegavanja dostavljanja ponuda u postupcima predmetnih javnih nabavki, što posljedično dovodi do uvođenja ugovornih organa u zonu neprimjenjivanja Zakona o javnim nabavkama, Agencija za javne nabavke će biti prinuđena da po službenoj dužnosti zatraži od Konkurencijskog vijeća BiH pokretanje postupaka, te da nadležnim tužilaštvima dostavi informacije o svim slučajevima u kojima je do sada, a od početka primjene Zakona o izmjenama i dopunama Zakona o javnim nabavkama, obaviještena od strane ugovornih organa o problemima gdje ponuđači iz ove oblasti ne žele/neće da dostavljaju ponude u vezi sa predmetnim nabavkama.

Stoga se postavlja pitanje koliko bi novo obraćanje AJN-u doprinijelo razrješenju ove situacije, budući da već postoji svijest o problemu, ali trenutno nedostaje konkretan prijedlog rješenja.

U vezi s tim, Uprava Društva je na svojoj 186. sjednici održanoj dana 05.01.2024. god. prihvatila preporuku Komisije da se trenutni postupak javne nabavke poništi. Nadalje, od strane stručne službe zatraženo je detaljno razmatranje mogućnosti za daljnje postupanje (uključujući i mogućnost provedbe pregovaračkog postupka), uz napomenu da je navedene korake potrebno hitno provesti.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 10 (deset) dana od dana prijema Odluke.

**DIREKTOR**
Alan Bajić

Prilog: Zapisnik o pregledu i ocjeni ponude.

DOSTAVLJENO:

1. Upravi Društva (orig.)
2. Ponuđaču
3. Sektoru za administrativnu podršku
 - Služba za komercijalne poslove (orig)
 - Služba za pravne poslove i protokol
4. Sektoru razvoja, tehnike i standardizacije
5. a/a